

Suliassanut isumaqatigiissutit (suliat sulii ingerlassat).

Suliassanut isumaqatigiissutit imaakkajuttarput suliaq (ilaannaaluunniit) sanatitsisumut tunniunneqaraangat aatsaat aningaasarsiaqaatigilivinneqarsinnaasarluni.

Sanasut (mesterit) entreprenørillu amerlanertigut taamaalillutik aatsaat suliaq tunniunnerani aningaasarsiaasunik akileraartussaalertussaapput. Taamatullu aamma suliamut aningaasartuutaasimasut aatsaat ukiumi tunniussiviusumi ilanngaatigineqarsinnaapput.

Naatsorsueriaaseq eqqortoq.

Suliaq ukiunik marlunnik amerlanerusunilluunniit sivisussuseqarpat akileraartitigut eqqortumik suliarinissaa imaassaaq ukiuni suliaq sulii ingerlanneqarfiani aningaasartuutit ingerlatsinermi aningaasartuutinut akulerunnagit naatsosuutit inaarutaanni pigisatut allanneqassapput ukiumi suliaq inaarneqarfiani aatsaat ilanngaatigineqarsinnaasunngorlugit. Aningaasanik siumoortumik (a conto) tigusaqartarsimagaanni aamma taakku naatsorsuutit inaarutaanni akiitsutut allaanneqarallassapput, suliarlu inaarneqarpat aatsaat isertitatut allanneqassallutik.

Periaaseq alla eqqortoq unaasinnaavoq aningaasartuutit nalinginnartut ilanngaatigineqarsinnaallutik aammali taakkua amerlaqataat isertitatut allattortarlugit - tassa taamaalilluni aningaasartuutaasut sunniuttussaajunnaarlugit. Periaaseq taanna atorneqarpat suliamut aningaasarsiaasut tamarmik ukiumi inaariffimmi isertitatut ilanngunneqassapput aningaasartuutaasimasullu tamaasa ilanngaatigineqassallutik. Periaatsimi tassani aamma siumoortumik tigusarimasat ukiup inaariffiup tungaanut akiitsutut allattorneqarallassapput. Periaatsit taakku marluk atussagaanni pisariaqartuuvuq aningaasartuutaasarsimasut suliamut tunngasut naatsorsuqqissaartarnissaat.

Naatsorsueriaatsit allat marluk atorneqarsinnaatinneqarput.

I. Suliassanjt nalinginnaasunut (tamanut)

Taamaattorli skatterådi oqaaseqarsimavoq suliamut aningaasartuutit (atortussat) ukiumi atorneqarfimmini (akilerneqarfimminiunngitsoq) ilanngaatigineqarsinnaasut.

Ilanngaatiginnissinnaanissamulli piumasarineqarpoq aningaasat siumoortaluni tigusat ingerlaannartumik isertitatut ilanngunneqartarnissaat, aammalu tamatuma saniatigut suliaq ukiuni ataasiakkaani ukiup naanerani sumut killissimanera missiliuullugu siumoortaluni tigusani ilanngunneqarsimanngitsoq ilanngunneqartassaaq.

Missiliuussaq ilanngutassaq tassaassaaq suliamut aningaasarsiaqaataasussap tamarmiusup ilaa maannamut ukiup naanerani suliarneqareersimasumut tunngasoq. Taamatut missiliuussineq ilanngunneqassappat siumoortumik tigusimasunik ilanngarneqassaaq.

Missiuussinert ilanngunneqartut kingusinnerusukkut (ukiuni tulliuuttuni) missiliuussinert ilanngaatigineqartassapput.

II. G.T.O.-kkoorlugit suliaq.

G.T.O.kkoorlugit suliarineqartut imaakkajuttarput suliaq ineriartuaarnera (suliarinera) peqatigalugu siumoortumik aningaasat tigueqartarlutik. Skatterådi oqaaseqarpoq suliani taamaattuni aningaasartuutit (atortussat atorneqarsimasut) ingerlaannartumik ilanngaatigineqarsinnaasut siumoortumik tigusat ukiumut pineqartumut tunngasut ukiumi tassani iser-

titatut ilanngunneqartassappata. Qaammatillu malillugit ukiumut naatsorsuutit eqqarsaatigisagaanni tassa imaappoq siumoortumik "inaarutaasumik" ukiup naareerneratigut tiguneqarsimasut ukiumut naatsorsuusiorfiusumut (aningaasarsiarineqarfigisaannut) ilanngunneqassapput.

Siumoortumik "inaarutaasumik" pisoqartanngippat qulaani eqqartorneqartutut missiliuussinikkut isertitat aalajangerneqartut ilanngunneqartassapput.

Periaaseq sorlerluunniit atorneqaraluarpat suliamut aalajangersimasumut naatsorsueriaaseq atorneqartoq allanngortinneqarsinnaangilaq. Aallaqqaammut aalajangiussimasaq suliap tunniunneqarnissaanut allanngortinnagu atorneqassaaq.